


Awe logia Masonico El Sol Nasciente ta celebra su di 85 aniversario



▲ Simon Bolívar, e Libertador di Venezuela, Colombia y varios otro pais di Sur America a drenta Masoneria tempo cu e tabata biba na Francia. E statua aki ta den Vondellaan, dilanti di e edificio di Sociedad Bolivariana.

ORANJESTAD - Dia 15 di November di 1920, despues di un lucha cu a dura casi nueve aña, un grupo di shete Arubiano cu tabata pertenece na un Logia Masonico di Curacao, por fin a ricibi for di Gran Logia di Hulanda e Charter cu a reconoce formalmente e Logia Masonico "El Sol Nasciente" di Aruba.

Dia 15 di November di 2005 e actual miembronan di e Logia cu awe ta bon conoci lo observa nan di

ochenta y cinco aniversario cu un offrenda floral solem na e monumento Masonico na L.G. Smith Boulevard na memoria di e rumannan cu a pone abou pa semper nan hermentnan di Mason. Dia 19 di November e miembronan di El Sol Nasciente hunto cu nan señorean lo celebra e aniversario cu un banquette formal despues di un ceremonia conmemorativo.

Tur e shete pioneronan Arubiano tabata miembro prominente den comunidad Arubiano: C. H. Eman, A.L.

Scholten, H. J. Schreuder, H. Yrausquin Lampe, L.J.M. Henriquez, S.A.A. Henriquez y un tal Mr. Veeris di ken su nomber ta desconoci. Como cu den e tempo ey ningun Catolico tabata permiti pa bira Mason, e grupo aki no tabata un bon transversal di e comunidad Arubiano manera e miembronan di awe ta, pero asina mes e miembronan original tabata muestra diversidad den diferente aspecto. Algun tabata comerciante, otroan ambtenaar, maestro di scol y

tabatin por lo menos un sapatero. Sr. L.J.M. "Nadi" Henriquez, abuelo di e actual president di Banco Central di Aruba a bira e prome "Venerable Maestro" (Lider) di e Logia nobo. E actual Venerable Maestro ta Sr. Karel Wever, doño y director di WEMA.

INICIO

Na cuminsamento El Sol Nasciente tabata tene su reunionnan den un edificio chikito pariba di e kerki protestant den Wilhelminastraat. Na final di e decada di 1920 e Logia a huur e di dos piso di un cas di palo den Klipstraat patras di e kerki protestant na e skina pabou di caminda awor ta Driftwood Restaurant. E prome piso tabata

tabata miembro di Logianan caminda nan tabata biba. Hopi a join El Sol Nasciente. Otronan cu nunca tabata Mason a bira Mason aki y cu tempo e Americanonan a bira mayoria di e miembrecia. Como cu nan no tabata papia Spaño nan a obtene ritualnan na Ingles for di nan Logia na Merca. Despues di Guera Mundial II Logia El Sol Nasciente a cuminsa ricibi su ritualnan foi Hulanda pero esakinan tabata wordo traduci na Ingles. Te awe ainda Ingles ta e idioma "official" di El Sol Nasciente. E Masonnan Americano a sigui aumenta e miembrecia te cu na 1962 El Sol Nasciente tabata conta cu 167 miembro. E exodo causa pa e programa di lay-off na Lago a precipita un



▲ Lloyd G. Smith, President y General Manager di Lago a wordo honra cu e estatua aki dilanti di Cas di Cultura pa tur lo ke ela haci pa Aruba. E ruman Lloyd tabata miembro di Logia El Sol Nasciente y tabata un di e fundadonan di Logia King Solomon.

oficina principal di Posterijen di Aruba. Añanan despues e edificio a wordo tumba pero e suelonan di cement ainda tey. E Logia actual di El Sol Nasciente situa na Cumana dilanti Codemsa a wordo consagra na 1997. Originalmente e reunionnan di El Sol Nasciente tabata na Spaño ya cu tur e ritualnan tabata bin di Logia Igualdad na Corsow. Hopi Americano cu a bin Aruba pa traha cu Lago

caida drastico den miembrecia di e Logia y pa 1968 apenas a keda 26 miembro. Pero El Sol Nasciente a regenera y a cuminsa crece atrobe. Posibelmente ta pasobra e relacion entre Papa di Roma y Masoneria a mehora significamente y mas Catolico a aplica pa bira miembro. Awe El Sol Nasciente tin mas di 80 miembro, mayoria di nan ta Catolico, y e ta e di dos Logia mas grandi bou di hurisdiccion di Hulanda cu ta



▲ E actual edificio di Logia El Sol Nasciente a wordo consagra na 1997.

inlui tambe Antiyas, Suriname, Zuid Afrika y Zimbabwe. E miembro mas bieu di El Sol Nasciente ta Art Krottnaurer, un Americano ex-empleado di Lago ken ta casa cu Sra. Nydia van Meeteren, ruman muhe di Karel van Meeteren, un Arubiano bon conoci aki den mundo di seguro. Art, cu edad di 98 aña a cumpli 73 aña cu e ta Mason. E deseo di mas grandi di Art ta pa e por biba 100 aña y completa 75 aña como miembro di su Logia stima. Entre tanto e ta mantene contacto regular cu su rumannan di El Sol Nasciente. Art y Nydia ta biba na Pennsylvania.

PERSONAHENAN Y PRINCIPIONAN

Masonnan semper a lucha contra dictadura, inhusticia y sufrimento. Mayoria di e firmantenan di e Declaracion di Independencia di Merca, incluyendo George Washington, tabata Mason. Mayoria di a heroenan Venezolano dera den Panteón di Caracas tabata

Mason. Martí, Libertador di Cuba, San Martín di Argentina y O'Higgins Libertador di Chile tabata Mason. E famoso escritor Hulandes Edward Douwes Dekker, miho, a skibi su buki Multatuli (Hopi mi a sufri) pa protesta contra e abusonnan y inhusticia di e colonialistanan Hulandes na lo ke awe ta Indonesie. Wolfgang Amadeus Mozart a skibi "Die Zauberflöte" (E Fluit Magico) como protesta contra e persecucionnan di e Emperatriz Marie Therese di Austria. Lidernan di e Revolucion Frances a brasa e idealnan politico di e escritor frances Jean-Jacques Rousseau. Henry Dunant a inspira e fundacion di Cruz Cora Internacional pa combati sufrimento di e victimanan di guerra. Hopi homber famoso di tur parti di mundo ta of tabata Mason. John Glenn, e prome Americano a bay den orbita

ta un Mason, mescos cu Edwin "Buzz" Aldrin kende huntu cu Neil Armstrong tabata e prome dos hendenan cu a cana riba luna. Ludwig von Beethoven y hopi otro musiconan famoso den ultimo siglonan, di Sibelius te "Satchmo," tabata Mason. Den arte, literature, deporte, ciencia, negoshi, medicina, politica, gobierno, ehercito, realmente den tur faceta di esfuersonan humano, Masonnan a haci un diferencia. Na Aruba tambe Masonnan a distingui nan mes y gana respet y admiracion den comunidad pa nan trabou meritorio. Hopi Mason a wordo reconoci y honra pa gruponan civico, cultural y deportivo. Reina di Hulanda a yega di condecora mas di shen Mason na Aruba den Orde di Oranje Nassau. Di e miembronan na bida di e tres Logianan di Aruba por lo menos dies Mason a yega di wordo condecora. Un di e principionan di Masoneria ta caridad pa cu esnan cu tin necesidad. Na Merca masoneria ta contribui e equivalente di mas o menos cuatro miyon dollar pa dia, si, pa dia! E placa aki ta bay especialmente pa cuida medico gratis na 19 hospital di kemadura (Burn Institute) y 3 hospital pa muchanan mutila (Crippled Children) na diferente parti di Merca. Aki na Aruba El Sol Nasciente ta yuda esnan den necesidad, especialmente muchanan, anonimamente. E monument Masonico na L.G. Smith Boulevard a wordo desvela na 1990 cu celebracion di 70 aña di El Sol Nasciente y



▲ E prome edificio di Logia El Sol Nasciente tabata keda riba Klipstraat patras di Kerki Protestant na e skina pabou di caminda Restaurant Driftwood ta awa. E piso abou tabata oficina principal di Posterijen di Aruba. E edificio a wordo tumba algun aña pasa pero ainda por mira e flour di cement.

ta dedica na "Nadi" Henriquez, e prome venerable maestro. Tambe tin dos statua di Mason na Aruba. Uno ta di Lloyd G. Smith dilanti di Cas di Cultura. E ruman Lloyd tabata miembro di El Sol Nasciente pa hopi aña y tabata un di e fundadonan

di Logia King Solomon. E otro statua Masonico ta di e Mason mas famoso di Zuid America: E homber monta riba cabai dilanti di Sociedad Bolivariana: General Simon Bolívar Clyde Harms



▲ Na edad di 98 aña Art Krottnaurer ta e miembro mas bieu di El Sol Nasciente. Ela wordo inicia na 1932, 73 aña pasa. Art ta spera di biba 100 aña pa e celebra su di 75 aniversario Masonico.



▲ E promé miembronan di El Sol Nasciente (+/- 1922). Dilanti, RpaD: Richard Johannes Eman, S.A.A. "Siltro" Henriquez, X. Veeris, J.K. Zepp Lampe, Raúl Yrausquin, Anton L. Scholten. Atras: I. "Dego" Frigerio, L.J.M. "Nadi" Henriquez, Horacio Yrausquin-Lampe, H.J. Schreuder



▲ E monumento Masonico di Logia El Sol Nasciente na L.G. Smith Blvd. ta dedica na L.J.M. "Nadie" Henriquez, un di e fundadonan di e Logia y su prome Venerable